

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Breviarium Einsidlense - Cod. Ettenheim-Münster 38**

**[S.l.], 1788**

Die 13. Aprilis. B. Idae Virg. dupl. Oratio

[urn:nbn:de:bsz:31-108133](https://nbn-resolving.org/urn:nbn:de:bsz:31-108133)

Missæ In medio. de Communi Doctorum.  
Et dicitur Credo.

Die 13. Aprilis.

B. Idæ Virg: dupl:

Oratio.

Deus, qui beatæ Idæ Virginis corpori  
tuorum vulnerum Stigmata igneo amoris  
Stylo impressisti: præsta quæsumus, eius in-  
tercessione, sic nos tuæ Passionis Mylteria  
in terris contemplari; ut redemptionis præ-  
mia in cælo mereamur. Qui vivis, et reg-  
nas cum Deo Patre.

In II. Nocturno Lectio V.

Ida Lovanii in Brabantia honestis parentibꝰ  
nata penè Infans Missæ sacrificio assistens  
stellâ quadam fulgidissimâ illustrata fuit.  
Labore manuum, aspero cilicio, duro lecto,

ieiuniis, vigiliis, ac quotidianis flagellationibus tenerum corpus in servitutum redégit. Tentata à dómone horrendis spectris, teterrimo foétore, concussione conclávis, et illato féretro, munita clypeo Domínicæ Passiónis, et Evcharistiæ de tartáreo hoste triumphávit. A gravi infamia ex mala suspicione ei inultá divinitus vindicata, à Puerulo IESU inter bráchia apparente biduó recreata fuit. Soror illius senior ab inferendis eidem iniuriis cœlesti lúmine deterrita est. Corruptum vinum orans pristino vigori restituit, et cerevisiam in vinum convertit. Sororem suam iuniorem repentina morte extinctam, precibus Deo factis corā pluribus stupentibus ad vitam revocavit, atq;

virum ex peste semiánimem solo suo aspectu sanum reddidit. Modicos panes Dominus eius orationibus quandoque multiplicavit.

℞. Propter veritatem et mansuetudinē et iustitiam: \* Et deducet te mirabiliter dextera tua. ✕. Specie tua et pulchritudine tua, intende, prosperè procede, et regna. \* Et deducet.

### Lectio VI.

Tanto mentis ardore Christi Passionem contemplabatur, ut Dominus quinque Vulnerum Stigmata manibus, pedibus, ac lateri sanctæ Virginis igneo amoris stylo impresferit, adinstar circulorum diversi coloris. Per lateris vulnus anhelitum cum acerba punctione attrahebat, et in signatis locis

nullum rei attactum ferebat. Frustra con-  
 ta humilis Virgo signacula illa sacra ab-  
 scondere, oratione tamen à Deo impe-  
 travit, externam eorum apparentiam re-  
 moveri, doloris sensu remanente. Capi-  
 tis quoque circumferentiam vehementif-  
 simus cruciatus comprimebat, quo coro-  
 na Christi spinea videbatur portendi.  
 Habitum sancti Patris Benedicti in Mo-  
 nasterio Vallis Rosarum prope Mechliniā  
 induit: et ad perseverantiam in Ordine à  
 Domino confortata est. Ægrota Officiū  
 Ecclesiasticum cum socia recitans, illam  
 suavissimo odore ac sapore replevit. Se-  
 creta cordium, et status animarum ad-  
 huc in mundo versantium penetravit. In  
 extasim rapta quasi Choro Seraphico im-

mixta, nobilitatem animæ comprehendit. Litterarum ignara novit, quæ latinè dicebantur, atque vidit aureos circulos supra capita Sanctimonialium psallentium, Eique à beatissima Deipara multoties Divinus Filius oblatus est.

℞. Dilexisti iustitiam, et odisti iniquitatem: \* Propterea unxit te Deus, Deus tuo oleo lætitiæ. ℞. Propter veritatem, et mansuetudinem, et iustitiam. \* Propterea.

### Lectio VII.

Ex incredibili sacræ Eucharistiæ sumendæ desiderio sanguinem frequenter emisit, et in eiusdem Sacramenti perceptione, ac in Oratione coram Ipso facta, tum tempore Missæ, tum in festo Deiparæ assumptæ, et aliis, tum in piis colloquiis splendidissimos ra-

dios ex oculis diffudit, ac suavissimum  
 odorem spiravit. Eucharistia refici cu-  
 piens, nec eam à Confessario ausa petere,  
 ab Angelo allatam accepit: et quandoque  
 eadem in ipsius os à candida columba in-  
 gesta est. Inter orandum recitans, Verbū  
 Caro factum est, carnis substantiam in ore  
 sensit. Christum Dominum in Eucharis-  
 tia salutans, ab Ipso resalutata est, audito  
 valido ictu p̄xidi impacto. Eiusdem Ve-  
 nerabilis Sacramenti memor, coelesti fer-  
 vore inflammata, vicinos quasi igne ex-  
 terno calefecit. Ex nimia corporis im-  
 becillitate cū ad Sacram Mensam per-  
 gere non valeret, ad eam à Deipara Vir-  
 gine, et Sancto Ioanne Evangelista  
 deducta fuit.

¶ Afferentur Regi Virgines post eam  
proximæ eius. \*Afferentur tibi in lætitia  
et exultatione, & Specie tua, et pulchri-  
tudine tua, intende, prosperè procede, et  
regna. \*Afferentur.

13.  
R. hoc  
8. vñ est:  
cujus loco  
hic 7. mñ  
poni deb.  
i.e. Pru-  
dentes Vir-  
gines Cg.  
Na Novum  
Brav. Einsid.

Lectio VIII.

Salvator sub peregrini specie ad eam acce-  
dens, suisque manibus illius pectus rese-  
rans, per apertum latus sese totum intra  
ipsam recepit, ac foris disparuit, mirabili-  
bus divinæ gratiæ effectibus in eiusdem  
anima exinde secutis. Christo quasi incor-  
poratam se sentiens, et ineffabili charitate  
fervens, eius dulcedinem diutiùs servavit.  
Moesta, quod non plenè Deo frueretur, no-  
vâ consolatione à Dño excitata de æter-  
na sua salute certior facta est. Extra sensu

frequenter rapiebatur, ac plures mirabiles  
 patiebatur extases, in quibus multis reve-  
 lationibus, ac visionibus cœlestibus à Deo  
 decorata fuit. Denique divinis charisma-  
 tibus locupletissima gravissimum in morbū  
 incidit, et Ecclesiasticis Sacramentis ro-  
 borata, inter vitæ æternæ eloquia, et psal-  
 lentium Angelorum choros migravit ad  
 Sponsum decima tertia Aprilis Anno Sa-  
 lutis Millesimo trecentesimo. Sacrum bea-  
 tæ Virginis corpus in Ecclesia publico fide-  
 lium honori, ob crebra miracula eius inter-  
 cessione facta, auctoritate Ecclesiastica ex-  
 positum fuit.

℞. Prudentes virgines aptate veltras lam-  
 pades, \* Ecce Sponsus venit, exite obviam  
 ei. ✠. Media autem nocte clamor factus est.

\* Ecce Sponsus. & Gloria Patri. \* Ecce.

In III. Nocturno.

Homilia in Evangel: <sup>erit</sup> Simile est regnum coelorum  
decem virginibus. Cum Oratione ppria Missa est:  
Vultum tuum, & dicto Evangelio de io. Virginibus.

Die 5. Maii.

In festo B. Pii V. Papæ et Conf:

Octavæ Lectioni de præcepto addantur sequentia:  
Quibus ritè probatis, à Clemente undeci-  
mo Pontifice maximo Sanctorum numero  
adscriptus est. Reliqua ut in Brev: Einsid.

Die 10. Maii.

In festo SS. Gordiani & c. Mm.

Oratio.

Da quæsumus omnipotens Deus; ut qui bea-  
torum Martyrum tuorum Gordiani et Epi-  
machi, Sophiæ et filiarum eius Solemnia

*colimus : eorum apud te intercessionibus  
adiuuemur. Per Dominum.*

---

*Die 16. Maii.*

*S. Ubaldi Ep: et Conf.*

*Oratio.*

*Auxilium tuum nobis Domine quæsumus,  
placatus impende: et intercessione beati  
Ubaldi Confessoris tui atque Pontificis;  
contra omnes diaboli nequitas dexteram  
super nos tuæ propitiationis extende. Per  
Dominum.*

*In II. Noct.*

*LECTIO V.*

*Ubalduſ Eugubii in Umbria nobili genere  
natus, à primis annis pietate et litteris egre-  
giè eſt inſtitutus: iamque adoleſcens, ut uxo-  
rem duceret, ſæpè tentatus, nunquam tamen*